



Халқ сўзи

Ўзбекистон —
Келажаги
Буюк
Давлат

2022 йил — ИНСОН ҚАДРИНИ УЛУҒЛАШ ВА ФАОЛ МАҲАЛЛА ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2022 йил 19 февраль, № 38 (8100)

Шанба

Сайтимизга ўтиш учун QR-кодни телефонингиз орқали сканер қилинг.



ЯНГИҲАЁТ: ИНСОН ҚАДРИНИ УЛУҒЛАШГА ҚАРАТИЛГАН ЛОЙИҲАЛАР ИЖОБАТИ



Президент Шавкат Мирзиёев маҳаллалар ҳаёти, саноат лойиҳалари билан танишиш мақсадида 18 февраль куни Тошкент шаҳрининг Янгиҳаёт туманида бўлди.

Янгиҳаётда бугун ҳаёт қайнамоқда. Аввал Сергели тумани тасарруфидаги бу ҳудудда қисқа фурсатда юзлаб кўп қаватли уйлар қад ростлади, минглаб оилалар кичик ватанли бўлди. Метро линиялари тортилди. Йўллар, кўприклар қурилди, яшаш учун қўлай инфратузилма яратилди. Давлатимиз раҳбари Янгиҳаётга олдинги ташрифида аҳоли сони ортаётганини ҳисобга олиб, янги корхоналар, ишлаб чиқариш объектларини қуриш, иш жойларини яратиш лозимлигини айтган эди. Бугунга келиб Президентимиз ташаббуслари бирма-бир ҳаётга татбиқ этилмоқда. Айни пайтда туманда йирик саноат корхонаси — 10 тага етди. 2 мингдан ортиқ кичик бизнес субъектлари фаолият кўрсатмоқда. Давлатимиз раҳбари дастлаб тумандаги “Алмерро груп” масъуляти чекланган жамиятининг қандолат корхонасини кўздан кечирди. Умумий қиймати 70 миллиард сўм бўлган ушбу корхона икки босқичдан иборат. Утган йили ноябрда биринчи босқичи ишга туширилган. Янги бино қурилиб, Туркиядан замонавий технологиялар келтириб ўрнатилган.

Бугунги кунда корхона йилига 2 минг тоннага яқин қандолат маҳсулотлари тайёрлаш қувватига эга. Бу ерда шоколад, конфет, печенье, вафли каби 95 турдаги маҳсулот ишлаб чиқарилади. 120 киши иш билан таъминланган. Президент қандолат маҳсулотлари сифатини кўрди. — Сифати яхши, чет элники билан бемалол рақобатлаша олади. Фақат нархни тушириш бўйича яна имконият бор. Масалан, импорт қилинаётган қўшимчаларни хом ашё шаклида олиб, шу ернинг ўзида тайёрлаш йўлга қўйилса, таннархни 10 — 15 фоиз арзонлаштириш мумкин. Шунда маҳсулотлар яхши сотилиб, қўшимча иш ўринлари очилган имконияти пайдо бўлади, — деди Шавкат Мирзиёев. Корхонанинг иккинчи босқичи фойдаланишга топширилганидан сўнг йиллик қувват 10 минг тоннага етди. Маҳсулотларнинг бир қисмини кўшни давлатлар ва Мўғулистонга экспорт қилиш мўлжалланган. 2021 йил 4 февраль куни Ўзбекистон Президентининг “Тошкент шаҳрида “Янгиҳаёт” индустриал технопаркинни ташкил этиш чоратадбирлари тўғрисида”ги қарори қабул қилинган эди. Давлатимиз раҳбари Янгиҳаёт туманига ташрифи чоғида ушбу технопарк қуриладиган майдонда бўлди. Бу мажмуа учун 210 гектар майдон ажратилган. Шундан 150 гектар икки босқичда аукцион савдолирига чиқарилади. Тадбиркорлар сотиб олинган ернинг мулкдори бўлади ва корхоналарни ўзлари қуради. — Тошкентда ер танқис, келгусида бундай майдонлар топилаётган. Ҳар бир қарор эрдан унумли фойдаланиш керак. Шунинг учун корхоналар кўп қаватли қилиб қурилгани маъқул, — деди Президент. Бу ерда жойлаштирилган корхоналарда 20 минг иш ўрни яратилиши мўлжалланган. Умуман олганда, технопарк ишлаб чиқаришни кенгайтириш, саноат тармоқларига замонавий технологияларни жорий этиш, шу асосда аҳолини иш билан таъминлашга хизмат қилади.

Шу ерда Янгиҳаёт туманидаги корхоналар маҳсулотлари ҳам намойиш этилди. Шундан сўнг Президент Шавкат Мирзиёев тумандаги Дўстлик маҳалласи ҳаёти билан танишди. Бу ерда 11 та кўп қаватли уй бўлиб, 4 минг нафардан зиёд аҳоли яшайди. Маҳалла ҳудудида касб-хуна қоллежи, мактабгача таълим муассасаси, дорихоналар, дўкон ва маиший хизмат шохобчалари бор. Илгари бу ер бир оз эътибордан четда қолган эди. Утган йили “Обод маҳалла” дастури доирасида ҳудуд ободонлаштирилди. Болалар ўйингоҳи, спорт майдончаси, савдо ва кассачилик дўконлари барпо этилди. Давлатимиз раҳбари ушбу бунёдкорлик ишларини кўздан кечирди. Маҳалла раиси, ҳоким ёрдамчиси билан суҳбатлашди. — Халқимиз мана шундай обод, чиройли жойларда яшашга муносиб. Ишларни маҳаллабай ташкил этаётганимиздан мақсад шу. Энди бу ерда муҳит, кўни-кўшничилик, аҳиллик ҳам мустақкам бўлиши керак. Миллий қадриятларимиз-

дагидек тадбирлар уюштириш мумкин, — деди Шавкат Мирзиёев. Фуқаролар йиғинининг янги биносида маҳалла фаоллари, нурунийлар билан мулоқот бўлди. — Бу — давлатнинг замини, — деди Президентимиз. — Маҳалла обод бўлса, мамлакат обод бўлади. Кўряпислар, замон таҳликали бўлиб турибди. Кийинчиликсиз оила бўлмаганидек, кийинчиликсиз давлатнинг ўзи йўқ. Биз ҳам сабр билан, илм билан, меҳнат ва ҳаракатимиз билан режаларимизни амалга оширяймиз. Мамлакатимиздаги янги тизим асосида Янгиҳаёт туманидаги 30 та маҳаллага ҳам ҳоким ёрдамчилари ва ёшлар етакчилари тайинланган. — Илгари одамлар муаммолар бўйича ҳокимиятга борарди, хатлар ёзарди. Энди ҳар бир маҳаллада Президентнинг вакиллари бор. Энди улар хонадонларни ўрганиб, ёрдамга муҳтож оилаларга кўмаклашиш, ишсизларни касб-хунарга ўқитиш, имтиёзли кредит ва субсидиялар ажратиш бўйича ишларни йўлга қўйишлари зарур, — деди давлатимиз раҳбари. Давлатимиз раҳбари Тошкент айланма йўли бўйида “Бокс стрит” қуриш лойиҳаси билан ҳам танишди. Йўл бўйида ташкил этиладиган бундай мажмулар дунё таърибидан бор. Унда кечаю кундуз ишлайдиган савдо, овқатланиш ва маиший хизмат шохобчалари бўлади. Уларни арзон ва тез қуриш мақсадида юк контейнерларидан фойдаланилмоқда. Бунинг учун 7 гектар ер ажратилиши режалаштирилган. Объектлар тадбиркорларга электрон-онлайн аукцион орқали сотилади. Уларда 500 дан ортиқ иш ўринлари яратилиши мўлжалланган. Президент Тошкент шаҳрида ҳаракатланаётган электробусини ҳам кўздан кечирди. “Яшил транспорт” тизимини ривожлантириш, метрополитеннинг кейинги босқичлари ва трамвай йўналишини белгилаш бўйича кўрсатмалар берди. Шавкат Мирзиёев Янгиҳаёт туманидаги “Тошкент индекс” савдо ва хизмат кўрсатиш мажмуасини бориб кўрди. Мажмуа ҳудуди 72 гектар. Бу ерда қарий 1 триллион 300 миллиард сўм эвазига савдо дўконлари, логистика ва экспозе марказлари, меҳмонхона, ошхона барпо этилмоқда. Уларда жами 13 мингта янги иш ўрни ташкил этилади. Лойиҳанинг биринчи босқичи бу йил Наврўз байрами арафасида ишга туширилади. Шу ерда Янгиҳаёт ва Сергели туманларини иқтисодий-ижтимоий

ривожлантириш масалалари юзасидан йиғилиш ўтказилди. Утган йили Янгиҳаёт туманида 600 та лойиҳа амалга оширилиб, 3 мингдан зиёд иш ўринлари очилгани қайд этилди. Сергели туманида 65 та лойиҳа натижасида 2 минг 600 та иш ўрни ташкил этилган. Мактабгача таълим муассасалари, поликлиникалар, спорт майдончалари қурилган. Ички йўллар, коммунал тармоқлар таъмирланган. Йиғилишда жорий йилги вазифалар кўрсатиб ўтилди. Бу йил Янгиҳаёт туманида жами қиймати 3,8 триллион сўм бўлган 61 та лойиҳани амалга ошириб, 26 мингта янги иш ўрни яратиш режалаштирилган. “Янги шаҳар” лойиҳаси доирасида 5 миллион квадрат метр уй-жой, кўплаб ижтимоий соҳа объектлари қурилади. “Йўлдош” мавзесидаги эски ёғоч уйлар бузилиб, уларнинг эгаларини замонавий тураржойларга кўчириш дастури бошланади. Аҳоли зич маҳаллаларда учта болалар боғчаси, иккита мактабда қўшимча бино қурилади. Жамоатчилик фикри асосида аҳоли муаммоларини ҳал этишга 3,2 миллиард сўм йўналтирилади. Сергели туманида умумий қиймати 6,4 триллион сўм бўлган 79 та инвестиция лойиҳаси амалга оширилиб, 31 мингта доимий иш ўрни яратиш мўлжалланган. Жумладан, “Алутекс” корхонасида алюминий профиллар, “Резалит строй груп” корхонасида электрокар эҳтиёт қисмлари ишлаб чиқариш йўлга қўйилади. 2 та мактаб, 2 та болалар боғчаси ва оилавий поликлиника қурилади. “Алишер Навоий” мавзесида Янги Ўзбекистон массивини қуриш ишлари бошланади. Йиғилишда Тошкент шаҳри туманларининг ҳоким ва сектор раҳбарлари сўзга чиқди. Ҳоким ёрдамчилари иштирокида иқтисодий, ёшлар етакчилари билан ижтимоий лойиҳаларни амалга ошириш режалари ҳақида ахборот берди. Унга кўра ҳоким ёрдамчилари маҳаллаларда тадбиркорлик субъектларини ташкил этиш, бандликни таъминлаш, фуқароларни касб-хунарга ўқитишга йўналтиришда фаоллик кўсатади. Ёшлар етакчилари ҳам ўз маҳалласидаги ёшларнинг муаммоларини доимий ўрганиб, уларнинг бизнес гоғларини амалга оширишга кўмак беради ва бўш вақтларини мазмули ўтказиш, спорт ва китобхонликка жалб этишда ташаббускор бўлади. Президентимиз уларга зарур тавсиялар берди ва бу муҳим фаолиятда шижоат, ташаббускорлик, ватанпарварлик каби фазилатлар муҳим эканини қайд этди.

Зиёдулло ЖОНИБЕКОВ, Абдулло МУСАЕВ, Ўза Мухбирлари.

Ўзбекистон Республикаси Президенти Матбуот хизмати сурати.

Парламент комиссияси мажлиси

ЙЎЛ ҲАРАКАТИ ХАВФСИЗЛИГИ ҚАНДАЙ ТАЪМИНЛАНЯПТИ?



Мажлисада барқарор ривожлантириш мақсадларининг 11,2-вазифаси доирасида 2030 йилгача йўл ҳаракати хавфсизлиги кафолатини ошириш ҳисобига барча учун хавфсиз, арзон, қўлай ва экологик барқарор транспорт воситаларидан фойдаланиш имкониятини яратиш бўйича олиб борилаётган ишлар ҳолати таҳлил қилинди. Кайд этилганидек, атроф-муҳит ифлосланишини камайтириш, экологик барқарор транспорт воситаларидан фойдаланиш имкониятини таъминлаш мақсадида мамлакатимизда электромобилларни олиб кирганлик учун акциз солиғи бекор қилинди ҳамда божхона божининг ноль ставкаси ўрнатилди. Натижада сўнгги тўрт

Кеча Ўзбекистон Республикасини барқарор ривожлантириш соҳасидаги миллий мақсадлар ва вазифаларнинг 2030 йилгача бўлган даврда амалга оширилишини назорат қилиш бўйича Парламент комиссияси мажлиси бўлиб ўтди. Видеоконференцалоқа тарзида ташкил этилган тадбирни Олий Мажлис Сенати Раиси Танзила Норбоева олиб борди.

Йилда 1 минг 594 та электромобиль импорт қилинган бўлиб, уларнинг қарий 90 фоизи ўтган йилда олиб келинган. Аҳолининг эркин ва хавфсиз ҳаракатланишини таъминлаш мақсадида Тошкент метрополитени тармоғи кенгайтирилди, Юнусобод йўналишида 2 та, Қўйлик йўналишида 7 та, Сергели йўналишида 5 та янги бекат қурилиб, фойдаланишга топширилди. Йўл ҳаракатини назорат қилиш мақсадида республика бўйича автомобиль йўлларига жами 1 минг 584 та камера, жумладан, 1 минг 154 та кузатув ва 430 та йўл ҳаракати қондалари бузилганини аниқлаш камералари ўрнатилгани ҳам эътиборга молик.

Олий Мажлис Қонунчилик палатасида

БЮДЖЕТ МАБЛАҒЛАРИНИ МАҚСАДЛИ ИШЛАТИШ БЎЙИЧА ИНДИКАТОРЛАР ЖОРИЙ ҚИЛИНАДИ

Олий Мажлис Қонунчилик палатасида “Бюджет маблағларидан фойдаланиш самарадорлиги ва натижадорлигини таъминлашда мақсадли индикаторлар аҳамияти” мавзусида давра суҳбати ўтказилди. Унда депутатлар, Қонунчилик палатасининг Давлат бюджети бошқармаси, Молия вазирлигининг масъул ходимлари ҳамда журналистлар қатнашди.



Таъкидланганидек, давлатимиз раҳбарининг 2021 йил 30 декабрдаги “Ўзбекистон Республикасининг “2022 йил учун Ўзбекистон Республикасининг Давлат бюджети тўғрисида”ги Қонуни ижросини таъминлаш чора-тадбирлари тўғрисида”-ги қарорида 40 та вазирлик ва идоранинг 2022 — 2024 йиллар учун бюджет маблағларидан фойдаланиш билан боғлиқ 118 та ривожлантириш дастурининг мақсадли индикаторлари тасдиқланган ҳамда уларнинг ижроси тўғрисидаги ҳисоботларни Олий Мажлис Қонунчилик палатасида муҳокама

қилиш ва эшитиш тизимини жорий этиш белгиланган. Ушбу тизим Ўзбекистон Республикаси сиёсатининг устувор йўналишларини ва бюджет маблағларидан фойдаланишнинг натижаларини ҳисобга олган ҳолда стратегик мақсадлар асосида ишлаб чиқилган дастурларнинг ҳаётий натижалари билан бюджет тизими бюджетлари харажатларини тақсимлаш жараёнининг ўзаро боғлиқлигини таъминлайди, бюджет ижросини режалаштиришни, амалга оширишни назорат қилади.

НАВРЎЗИ ОЛАМНИ

ОБОД МАНЗИЛАРДА ҚАРШИ ОЛАМИЗ

Яна санокли кунлардан кейин замин узра баҳор кириб келади. Яшариш ва янгилиниш тимсоли бўлган бу фасл халқимиз учун алоҳида аҳамиятга эга. Негаки, биз учун миллий қадриятга айланиб бўлган Наврўз байрамини кенг нишонлаймиз, бажарган ишларимиздан хулоса чиқарамиз ҳамда янги режаларни тузиб оламиз.

Муносабат

Президент Шавкат Мирзиёев кун кеча имзолаган “2022 йилги Наврўз умумхалқ байрамига тайёргарлик кўриш ва уни ўтказиш тўғрисида”ги қарори бу борадаги режаларни, таъбир жоиз бўлса, ниятларимизни қамраб олгани билан диққатга сазовор. Эътибор қилинг, байрамга тайёргарлик кўриш жараёнида Иккинчи жаҳон уруши қатнашчилари ва фахрийлари, кекса авлод вакилларини ҳар томонлама эъзозлаш, Меҳрибонлик ва Мурувват уйлари тарбияланувчилари, Саховат уйларида яшаётганлар, “темир дафтар”, “аёллар дафтари”, “ёшлар дафтари” ва “меҳр дафтари”га киририлган ҳамда кўмакка муҳтож оилалар ҳолидан хабар олинади. Уларга моддий ва маънавий ёрдамлар кўрсатилади. Янада аниқроқ айтганда олиб борилаётган мазкур йўналишдаги эзгу сайёҳ-ҳаракатларимиз Наврўз арафасида ўзининг коксак палласига кўтарилади.

